



Pele Broberg
Inatsisartunut Ilaasortaq, Naleraq

19-09-2025
Suliap normua: 2025 - 391
All. normua. 235698710

Postboks 1015
3900 Nuuk
Oq. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

§ 37 naapertorlugu apeqqummut nr. 2025-163-imut akissut

Inatsisartut suleriaasianni § 37, imm. 1 naapertorlugu Greenland Airports Mittarfeqarfiit A/S-imi aamma nBoard ApS-imi siulersuisut pillugit Naalakkersuisunut apeqqutit ataani allassimasut saqqummiuppatit.

Apeqqutigineqartut tullinnguuttuni akineqarput.

Apeqqut 1. Greenland Airports A/S-imi siulersuisut nutaat qassit Kalaallit Nunaanneersuuppat?

Akissut: Greenland Airports, Mittarfeqarfiit A/S-imi siulersuisunut ilaasortanut Naalakkersuisunit toqqarneqartuni ilaasortaq ataaseq Kalaallit Nunaanni najugaqartoq ilisimatitsissutigineqassaaq.

Apeqqut 2. Naalakkersuisut isumaqarpat Kalaallit Nunaanniit Inuit immikkut ittumik piginnaasaqanngitsut Greenland Airports A/S-imi aqutsisunut ilaasortanngornissamut?

Akissut: Nuummi, Qaqortumi Ilulissanilu pissutsini allanngorsimasuni maanna mittarfinnik ingerlatsisussanngorneq eqqarsaatigalugu Greenland Airports, Mittarfeqarfiit A/S-imi siulersuisunik nutaanik toqqaanermi ilaatigut mittarfimmik ingerlatsinermi niuernerpalaartumillu ingerlatsinermi suliamut ilisimasatigut piginnaasat misilittakkallu isiginiarneqarsimapput.

Apeqquut 3: Kalaallit Nunaanniit Inuit qanoq amerlatigisut nBoard ApS-imit siunnersuutigineqarpat, ilaatigut bestyrelser.gl aqqutigalugu innersuunneqarsimappat?

Akissut: nBoard Aps Greenland Airports Mittarfeqarfiit A/S-imi siulersuisut katiterneqarneranni innersuussuteqarsimanngilaq. nBoard tassaaginnarpoq paasissutissaasivik, kikkunnulluunniit piginnaasaminnut misilittakkaminnullu paasissutissanik nalunaaruteqarusuttunut tamanut ammasoq.

Apeqquut 4: Naalakkersuisut qanoq annertutigisumik akiliisimappat, ilanngullugu Aqutsisunut Allattoqarfik, nBoard ApS-imut, GAIR A/S-imi aqutsisunut siunnersuuteqarnermut atatillugu?

Akissut: Apeqquummut 3-mut akissut takoqquneqarpoq.

Apeqquut 5: nBoard ApS-imut tunngatillugu (bestyrelser.gl ilanngullugu)

- a. Kalaallit Nunaanni suliffeqarfiua?
 - b. Kalaallit Nunaannit pigineqarpa?
 - c. Naalakkersuisut suliffeqarfik Namminersornerullutik Oqartussanut aningaasartuutissanut pisarialittut isigaat?
 - d. Pisortat suliffeqarfiutaasa nBoard ApS-imut, Naalakkersuisut qanoq annertutigisumik minnerpaamik ukiuni tallimani kingumut naatsorsuutigalugit aningaasartuutigisimasaat katillugit qassiuppat?
- Uani, naatsorsuuseriaaseq naapertorlugu, minnerpaamik ukiut 5 kingulliit katillugit akeqquneqarput.

Akissut: a. Qitiusumik Suliffeqarfinnik Nalunaarsuiffik naapertorlugu nBoard ApS ingerlatseqatigiiffik Københavnimi nalunaarsorsimasoq ilisimatitsissutigineqarsinnaavoq. b. Qitiusumik Suliffeqarfinnik Nalunaarsuiffik naapertorlugu ingerlatseqatigiiffik inatsisitigut arlalinnik piginnittoqarpoq Danmarkimi najugalinnik. c. Naalakkersuisut siulersuisunut ilaasortanut kalaallinut paasissutissaasivimmik pilersitsinissamik kissaateqarnerat tunngavigalugu Naalakkersuisut Siulittaasuata Naalakkersuisoqarfia www.bestyrelser.gl-ip suliarinissanut ingerlannissaanullu nBoard ApS-imik 2022-mi isumaqatigiissuteqarpoq. d. www.bestyrelser.gl-imik tassanilu nittartakkami ilaasortanut ikiorsiivimmik ukiuni pingasuni, 2025-mi decemberimi qaangiuttussamik katillugillu 580.000 kr.-nik akilimmik ineriartortitsinissamut ingerlatsinissamullu nboard ApS isumaqatigiissuteqarfigineqarsimavoq.

Apeqquut 6: Naalakkersuisut naammagisimaarinnissutigaat Danmark aqutsisunut ilaasortaminik allannguuteqannginneranut, naak Greenland Airports A/S-imi “akuersarneqarsinnaanngitsumik inissisimagaluartut?

Akissut: Greenland Airports International A/S-imi immikkut ittumik 17. septemberimi ataatsimeersuartitsisoqarpoq, tassanilu naalagaaffik siulersuisuni ilaasortaatitani ataaseq taarsissallugu aalajangersimavoq.

Inussiarnersumik inuulluaqqusillunga



Jens Frederik Nielsen
Naalakkersuisut Siulittaasuat